

Pantagrueline

Prognosticatio certaine veritable & ifo-
lible pour l'amil. D. xxxiii. Nouvellemēt
cōpose au prouffit & aduisement de gens
estourdis & mulats de nature p maistre Al-
cofribas architrclin dudict Pātagrue.



¶ Denóbze dor nō dr:te nē trouue point
ceste annee quelq calculatio q̄te ay eſaict:
passōs oultre: q̄ n a si sen deſſace en moꝝ:
qui nen a si en cherche. Verte folium. :

Des maladies de ceste année - Chapitre III.

Ceste année les aveugles ne verront que bien peu, les sourdiz oyront assez mal : les muetz ne parleront guières : les riches se porteront un peu mieulx que les pauvres, & les sains mieulx que les malades.

Plusieurs moutons, bœufz, pourceaulx, oysons, pouletz & canars, mourront, & ne sera sy cruelle mortalité entre les cinges & dromadaires.

Vieillesse sera incurable ceste année à cause des années passées.

Ceux qui seront pleurettiques auront grand mal au cousté, ceux qui auront flus de ventre iront souvent à la celle percée, les catharres descendront ceste année du cerveau es membres inferieurs. Le mal des yeulx sera fort contraire à la veue, les oreilles seront courtes & rares en Guascogne plus que de coustume.